

Suleqat pisinnassoq – kollega med vilje

- Suliniummut siunertaq tunuliaqutarlu



Suleqat Pisinnaasumi qitiutinneqartoq tassaavoq; suliffeqarfimmi avatangiisigut ataatsimoorfigissagigut aammalu suleqatigiiorusuttugut imminnut isumanaassusermik toqqissisimaffiusumik anguniagallit

Siunertaq

Suleqat Pisinnaasooq (SUPI) – tassaavoq eqqarsartaatsikkut peqqinnerunissamik aammalu immiut toquttarnerup pinaveersaartinneqarneranik suliniuteqartoq. Tamannalu immitsinnut susassareqatigiinnermik aallaveqassaaq. Tassami ulluinnarni suliffitsinni takujuartarpugut, taamaattumillu immitsinnut malinnaaffigisinnaalluta, suleqallu arlaatigut toqqissisimangissuteqarpat maluginiarnerusinnaallugu.

Tunuliaqutaq

Ruujorilerisup danskisup, Jørgen Gullestrupip Austaliami SIK-mut assingusumi sulinermini paasisimavaa, sanaartornermi sulisuni immiut toquttarnerup qaffasinnerujussua. Nunarsuarmi kisitsisit takutippaat, immiut toquttartut affai sinnerlugit tassaasartut, systemimi, soorlu tarnikkut nappaatilinnut napparsimavinni, ilisarisisimaneqanngitsut.

Tamanna tunuliaqutaralugu ”MATES in construction” pilersippaa. Ullumikkullu periusissiaq tamanna inunnit 300.000-inik ikinnerunngitsunik peqataaffigineqalereersimavoq. Peqataaffigineqarnera siammasippoq, tassa aatsitassarsiornermi, assartuisarnermi pilersuinermilu sulialinni Australiami aammalu New Zealandimi peqataaffigineqalereersimammat.

Inuit amerlasuut, annermik angutit; annerusumik ikiortissarsiortarsimangillat arlaatigut tujormissuteqarsimagunik, ikiortissarsiornermi kannigusunnermik aammalu naqissuserneqarnermut attuumassuteqartinneqakkajuttarmat. Ilaatigut taamak eqqarsartaatsikkut toqqissisimanginnerit aanngajaarniutit atorlugit matoorniarneqartarsimasut aamma paasinarsisimavoq.

Suliffigisaq, taannarpiaavoq ulluinnarni suleqammik malinnaaviginninnissamik tunngaviliisoq. Taamaasillunimi suleqatigisap pissusilersuutaasa tujorminermik aallaaveqartumik allannguuteqarnerusut nakkutigineqarsinnaammata, tamannalumi aallaavigalugu immitsinnut tapersersoqatigiinnissamik periarfissaqartinneqarpugut – taamaasillunilumi aamma ulluinnarni suut unnammillernartuusinnaasut aaqqiivigisinnaallugit.



MATES in Constructionip ukiut 16-nissaa ingerlasup takutippaa, "Suleqammit suleqammut" tapersersoqatigiinneq eqqarsartaatsikkut peqqinnerulernissamut aammalu imminut toquttarnerup pinaveersartinnissaanut aqcutissaasoq.

Australiamiit Kalaallit Nunannut

SuPi-p maanna anguniagaraa MATES kalaallit sulliviinut suleriaasaannullu tulluussarnissaa. Soorlu assersuutigalugu uani nunatsinni najugaqavissut "aasaanerani suliarortartut" eqqarsaatigineqarput. Suliffeqarfinni pioreersuni pissutsinik pitsaasunik pilersitserusuppugut, tassanimi siunertaalluinnarpoq suleqatigiit ilorrisimaarnerunissaat aammalu qanoq eqqarsartaatsikkut inissisimanitsinnik arajutsinaveersaarluta qulakkeerinninnissaq.



Suliffeqarfik

SUPI assannik isaassisuussaaq! Suleqammit suleqammut. Suliffeqarfimmi arlaariinnik "Ikiortit" inissisimasinnaasunik peqarnissaaq innersuussutigineqarpoq. Taamaasilluni "ikiortip" suleqammik naligisatut oqaloqatiginnissinnaanera anguneqarsinnaammat. Soorlu ilinniartup ittorisaminut saaffiginninnissaa ajornakusoorsinnaasarpoq – imaluunniit ittorisaq ilinniartuminut. Arlariinnik saaffissaqarsinnaanerup qulakkiissavaa "naligisamik" saaffissaqartuarnissaaq. Imaluunniit, suliffeqarfimmi toqqagassaqartariaqarpoq, taamaasilluni nammineq tatigisamut/-iluarisamut saaffiginninnissaaq oqinnerulersillugu.

Inissisimanerit akisussaaffillu

"Inissisimaffiit" marluupput. "Ikiorti" – taannaavoq suliffigisami assammik isaassisuusartooq, taassumalu eqqummaariffigissavaa sulisut, ulluinnarni eqqarsartaatsikkut qanoq inissisimanerat. "Attaveqaataasoq" taannaassaaq

”Ikiortip” innersuussiffigisassaa, ”Attaveqaataasullu” isumagissavaa, suleqatigisap suliffeqarfiup avataani oqaloqateqarnissaanik aqqutissiuiinissaq. ”Attaveqaataasoq” suliffeqarfiup avataani innersuussissiffissanik/-ikorfartoriusussanik ilisimaarinnissaaq innersuussisinnaallunilu.

SUPI aqqutigalugu suliffeqarfinni inuiaqatigiinnilu ikioqatigiinnerit suleqatigiinnerillu piorsarneqartuassapput.

Naatsorsuutigisat pisussaaffiillu

Naatsorsuutigineqartoq tassaavoq; SuPi suleqatigiit attaveqatigiinneruneranik eqqummaareqatigiinneruneranillu pilersitsissasoq, taamaasilluni tapersersoqatigiinnermik, tatisimaneqarnermik aallaaveqanngitsumik, allorassaaqatigiinneq.

SUPI suliffeqarfinni napparsimasoqannginneruneranik aammalu inissaqartitsinerunermik pilersitseqataassasoq siunertarineqarpoq – tassani eqqarsaatigineqarput, suleqatit ”katsorsarneqarnissamik” allatulluunniit ikiorneqarnissamik pisariaqartitsisut (soorlu inuttut ajornartorsiuteqarnermi, isumatsassimasoqartillugu (Depression) atornerluisoqartilluguluunniit). Taamaasilluni pisariaqartitsisimasup suliffeqarfimmiiginnarnissaa qulakkeerneqassaaq, taamaasillunilu ”aniguereernerup” kingorna nukittuinngorlutik uteqqinnissaat aamma anguneqarsinnaalluni.